

靈寶无量度人上品妙經卷之四十九 字无

消除病癘跋病品

道言昔於太安天中遙響風歌太和樂土受
元始度人消除病癘跋病无量妙法元始天
尊當說是經周迴十過以召十方始當詣座

字无

天醫大神上聖高尊普濟真人通治童子无
鞅數衆乘空而來飛光積霄彤輪華蓋花雲
覆蔭明霞舞燁天錦交漫洞映太空五日五
夜諸天幽寶嵌巖普皆大明星璣月館晝夜
停輪神風倚煙靈香拂雲天无飄翳六虛洞

清一國地土山川林木砥平齊等无復高下
土皆紺碧无有異色衆真侍座元始天尊云
坐空浮五色晶明寶座之上說經一徧諸天
大聖同時稱善是時一國男女身報爲癘漸
獲開爽說經二徧聾者耳聰盲者目明暗者

能言說經三徧枯羸沈瘵充澤豐平說經四
徧積逮注傳不及于門說經五徧跛疴萎
皆能起行說經六徧鬼癘消除正氣流通說
經七徧老者反壯少者皆強說經八徧軀體
病除法身怡悅說經九徧消除病癘跛疴輕

安悟病皆妄本非真有返照回光則无痛苦
起滅悉從假幻既識道本病從何來說經十
徧面流紫華身有玉明魔疾普消神氣合道
是時一國是男是女莫不傾心皆受護度感
得長生

道言是時元始天尊說經一徧東方无極无
量品候氣大神无鞅之衆浮空而至說經二
徧南方无極无量品持運大神无鞅之衆浮
空而至說經三徧西方无極无量品司年大
神无鞅之衆浮空而至說經四徧北方无極

无量品定命大神无鞅之衆浮空而至說經
五徧東北无極无量品鬼主大神无鞅之衆
浮空而至說經六徧東南无極无量品行病
大神无鞅之衆浮空而至說經七徧西南无
極无量品却癘大神无鞅之衆浮空而至說
經八徧西北无極无量品八風大神无鞅之
衆浮空而至說經九徧上方无極无量品天
醫大神无鞅之衆浮空而至說經十徧下方
无極无量品除病大神无鞅之衆浮空而至
十徧周竟十方无極天醫普濟大神一時同

至一國男女傾心歸仰謂言我等元以福報
得生天上非如人間父母精血濁穢之形復
有阿病是故思惟神氣雖明化生融結而我
心想習深尚羸身中安生疾病痛苦未除譬
如世人夢中飲食寒溫起居一如平時夢中
之身與今處世父母所生實无有異乃至夢
身中疾病痛痒悲歡亦復同狀无有殊別故
今身中猶當有此病癘跛疴當詣天尊以求
除瘥咸各恭敬願禮道前來者有如細雨密
霧无艱之衆迨國一半土皆偏陷非可禁止

於是元始知如是等衆獲果天人猶有病癘
跛疴等相何況世間胎化濕感七十二類无
量衆生寧免斯苦我以慈悲說是妙經消除
衆患衆患欲除无非法藥法藥之妙莫越神
丹即運紫光明如寶焰聚五輪手法自九色

字九

三

離羅萬寶星雲玉錦之帔內出神丸化成寶
珠大如黍米在空玄之中去地五丈元始登
引天醫大神上聖高尊普濟真人十方无極
除病大神无鞅數衆俱入寶珠之中天人仰
看惟見勃勃從珠口中入既入珠口不知所

在國人廓散地還平正无復歌陷元始即於
寶珠之内說經都竟衆真監度以授於我當
此之時喜慶難言法事粗悉諸天復位倏歛
之間寂无遺響是時天人遇值經法普得濟
度全其本年无有中傷傾土歸仰咸行善心
不疑不妄不淫不貪不欲不喜不怒不暗不
邪不狂言務忠信口无疾聲齊同慈愛異骨
成親國安民豐欣樂太平經始出教一國以
道預有至心宗奉禮敬皆得度世

道言元始天尊說經中所言並是諸天上帝

內名隱韻之音亦是真王內諱消除病癘起
行跛痾百靈救疾攝邪之隱名也非世之常
辭上聖已成真人出離五種病癘廣大法身
純陽光明能隱能顯顯則普現十方隱則聖
真莫測世病法病並已消殞通玄究微能悉
其章誦之十過諸天遙唱萬帝設禮內境澄
瑩我山靡平病癘痊復跛痺全寧身嶽不傾
日月同明群魔束形鬼精滅爽回生起痾朽
質成人至學之士誦之十過則五藏生華膽
腦堅真百神守體癘鬼喪睛濟度垂死絕而

得生所以爾者學士穢氣未消體未洞真以
制十方威未制天政德可漸杜世患甦決沈
苦而已不能更生輕誦此章身則被殃供養
尊禮病癘消除緩跛健行世世昌熾與善因
緣萬災不干神明護門斯經尊妙獨步玉京

字九

四

度人无量爲萬道之宗巍巍大範德難可勝
道言凡誦是經十過諸天齊到病癘衆生痛
苦消除跛痾久疾舉用完健邪氣无干百脉
受靈一身萬神永不去身身无疾疫自然長
生億會萬祖幽魂苦爽皆即受度上昇朱宮

格皆九年受化更生得爲貴人而好學至經
功滿德就皆得神仙飛昇金闕遊宴玉京也
以經法神護消除病癘跛疴澤惠兆民生類
安逸疾痛莫干上帝退觀報兆真名上學之
士修誦是經道備群倫病災拂除癘邪不興
跛癘登舉宿病更羈皆即受度上昇朱宮世
人受誦因病自安癘穢泮落靈秀通玄則延
壽長年後皆得作尸解之道鬼神暫滅不經
地獄即得返形遊行太空此經微妙普度无
窮一切天人莫不受慶无量之福生死蒙惠

上天所寶不待下世至士齋金寶效心盟天
而傳輕泄漏慢殃及九祖長役三官侍經五
帝玉童玉女各二十四人營衛神文保護受
經者身

道言正月長齋誦詠是經消除痼病積歲纏

子九

五

綿世藥不治鬼神異氣違為癘病工所不曉

或智或癡或生或死傳習先代冢注為殃鬼

氣禁物相呼附著為上世亡竟斷地逮役度

上南宮七月長齋誦詠是經消除金旺剋木

筋落受邪或因土木或因葬定刑害之氣注

及肢體手足不理跛癱不行沈冥宿疴上關
天律考在斗宮訟連陰府者使各完固不有
傷絕身得神仙諸天書名黃籙白簡削死上
生十月長齋誦詠是經徧爲生民消除痼癘
風傷勞疾痼痺瘰癧寒熱伏留泉魁腫汗水
注咳逆種種怪病普使和指致國王帝主君
臣父子安鎮國祚保天長存世世不絕常爲
人君安鎮其方民稱太平八節之日誦詠是
經消解八風邪氣毒病得爲九宮真人本命
之日誦詠是經萬疾消蕩鬼癘无侵鬼神道

正萬氣長存不經苦惱身有光明三界侍衛
五帝司迎萬神朝禮名書上天功滿德就飛
升上清

道言行道之日皆當香湯沐浴齋戒入室
東向叩齒三十二通上聞三十二天心拜
三十二過閉目靜思身坐綠紫青三色雲
氣之中內外翳冥有青龍白虎朱雀玄武
獅子白鶴羅列左右日月照明洞煥室內
天醫尚書砂石小吏咸在前後項生圓象
光映十方如此分明密呪曰

无上玄元太上道君召出臣身中三五功曹
左右官使者侍香玉童傳言玉女五帝直符
直日香官各三十六人闕啓所言今日吉慶
長齋清堂修行至經无量度人願所啓上徹
徑御

无上三十二天元始上帝至尊六几前早

引炁三十二過東向誦經

元始无量度人上品妙經

元始洞玄靈寶本章消除病癘跛疴安化度
人百魔隱韻離合自然道爲法身太虛生神
神寂无形无无上真元始祖劫化生諸天天
降地騰陰陽生人人爲胎種病癘因緣考謫

跛疴積逮因連採食三景命固天根病癘既
蕩神氣爲鄰玄悟成仙舉意飛神上无復祖
惟道爲身五文開廓普植神靈无文不光无
文不明无文不立无文不成无文不度无文
不生是爲大梵天中之天鬱羅蕭臺玉山上

京上極无上大羅玉清九品仙聖爲自然人
身病法病普得安寧未證大乘病癘所繫鍊
身爲氣鍊氣爲神神合太无若亡若存三華
離便大有妙庭金闕玉房森羅淨靈大正道
氣周回十方中有度人病癘跛疴之神中有
南極長生大帝君中有度世司馬大神中有
好生韓君丈人中有南上司命司錄延壽益
算度厄尊神回骸起死无量度人今日校錄
諸天臨軒

東方无極消除病厄神王長生大聖无量度人

靈寶无量度人上品妙經

南方无極消除邪癘神王長生大聖无量度人
西方无極消除偏跛神王長生大聖无量度人
北方无極消除纏痲神王長生大聖无量度人
東北无極消除世疾神王長生大聖无量度人
東南无極消除注氣神王長生大聖无量度人
西南无極消除考療神王長生大聖无量度人
西北无極消除宿報神王長生大聖无量度人
上方无極消除見病神王長生大聖无量度人
下方无極消除意病神王長生大聖无量度人
十方无極消除病癘跛痲神王長生度世无

量大神並乘奔雲迅電赤鳳科車營從天仙
靈官將吏侍直神司驂駕大獸天鹿夔龍絳
節瑤旌瓊干翠羽前嘯吳嘯同嘯後吹筠篥
同鳴吟僊飛籟嘯歌嘯嘯天丁啓途青鬃翼
轅億乘萬騎浮空而來傾光回駕除痾度生
諸天丞相南昌上官韓司主錄監生大神執
籙把籍齊到帝前隨所應度嚴校諸天普告
三界无極神鄉泉曲之府北都羅鄧三官九
府十二河源上解尸注冢訟積逮世傳病瘠
鬼竊故氣跛癡宿業纏痾及以祖考億劫種

親疾除罪簿落滅惡根不得拘留逼合鬼群
元始符命時刻升遷北都寒池部衛形鬼制
魔保舉度品南宮死竟受鍊仙化成人身
受度劫劫長存隨劫輪轉與天齊年永度三
災九厄八難超凌三界逍遙上清上清之天
天帝洞淵无色之境梵行

字九

八

東方八天

太安順陽天

帝景闕玄仁

至无化神天

帝玉都求輪

靜華初元天

帝樂真輔仙

覺昭情微天

帝廣穹良奔

序止陰夷天

帝部圭士畦

落具澄炎天

帝斗布紫昆

賁亭瀘河天

帝除患慈英

浪絕妙圓天

帝曉因秘巫

南方八天

礪城寶真天

帝仇卑振篁

寥居信靈天

帝文霞總祥

辨宗虛攸天

帝極真途

騫揚寶區天

帝輔觀盈璣

香泮赤和天

帝變丁匪邦

亮部求玄天

帝古定梵康

主延无童天

帝空基民宣

仙房校籍天

帝閔都賢昌

西方八天

考勝逕靈天

帝嶽傳至文

咸興遞迎天

帝關巴罔歌

營珠達想天

帝召冥履元

屏栖烈廣天

帝度命微沖

璐真確濟天

帝眇仙儔

輪預逆游天

帝智修龍

液度司夕天

帝被曦光旋

綠史洞綿天

帝道嚴阮通

北方八天

泝達紫垣天

帝治冥信方

曠倚遵宜天

帝端究精臚

洞慈慶周天

帝靈進璣回

頌咸褒聖天

帝衷丘繫璫

太始至愈天

帝稟卿徐韋

光梵九名天

帝寔幾鄰

應象徐盈天

帝蒙符靜康

畢堂六輪天

帝演已就剛

三十二天三十二帝諸天隱諱諸天隱名天
中空洞除病靈章諸天隱韻天中靈音天醫
之尊天藥靈神主病靈魔生神之靈九變七
轉飛昇太清无量之奧深不可詳起癘回年
普度天人今日欣慶受度歷關諸天請滅跋
疴斬絕注根飛度六尸命延太玄司命檢錄
氣隆天門東斗斷傳西斗殺蠱北斗縛鬼南
斗療疴中斗大魁五臟之精消除病癘總監

衆靈青帝護 白帝侍魄 赤帝養氣 黑帝通
血 黃帝操藥 扶廢續絕 中主太和 萬神无越
青方魔王 溫癘春行 赤方魔王 陽毒發煙 白
方魔王 偏廢委跛 黑方魔王 沈疴歷漑 黃方
魔王 腫痞狐缺 五方大魔 行病元凶 隨運出
入 與時迎逢 初下崑崙 攜駕毒龍 統領惡鬼
遊觀域中 屠害生民 誅惡不容 上官符告 收
攝姦祆 真王降世 殄滅殃祥 神池紫雲 天馬
玉韉 電獸吐火 巨龜出黃 五首仗旛 走馬飛
光 玄蟒千丈 鬼車百箱 朱旗橫天 雷奔兩滂

敢有干試誅斬為當玄鉞前戮赤刃後刑消
除病癘人道安寧風火交發跨斗乘星魔无
干犯鬼无杖精三官北酆明檢鬼營不得容
隱金馬驛呈普告无窮萬神咸聽三界五帝
列言上清

洞皇玉極龍漢延康眇眇曠寂混沌環剛上
无見色下无見淵風空運虛金精凝天天上
天下无幽无冥无形无影无極无窮溟滓大
梵寥廓无光赤明開圖運度自然元始安鎮
敕落五篇赤書玉字八戒龍文保制劫運使

偽則爲鬼其本同其末異故鬼亦鬼也鬼亦鬼也鬼消則爲鬼鬼消則爲鬼佛氏所謂無明即佛性者此之謂歟

吾元始之元道周旋不可妙妙不可得自然元妙上下往來周旋自然吾始於元元之元吾不知其自然元道元德孰能體吾元道元德復歸吾元始是謂還元返本之道盡矣

聖人體元始之道以周旋於物妙藏於形跡之間和其光同其塵不可以妙非不可以妙謂在其形跡之間而形跡亦妙故妙

行跋步輕奔壞痾蕩擯和合育真真中有神
長生大君无英公子洞陽之靈白元尊神靜
湛而明太一守房司命振鈴桃康攝邪合延
運精執符把籙保濟生根飛升上清遊宴瓊
宮碧羅之內混黃之中上騰下降玄華泥丸

植立萬毛集鍊百神絳闕龍泉統御要津尸
注速滅宿癥摧消總理五氣混合八瓊十轉
回靈易骨變形六周甲子萬氣齊仙仙道貴
生无量度人上開八門飛天法輪罪福禁戒
宿命因緣普受開度死魂生身身得受生上

聞諸天諸天之上各有生門中有空洞謠歌
之章真玉靈篇辭參高真

第一天醫大神拂魔除病飛空之音

熒熒五色 維此神丸 爲世凡夫
百病孔眼 寬憤幽憂 日殞殊顏

繼緣著境 神志不安 寒比冰烈

熱極火然 命等風燈 沈冥永歎

我施大慈 悟爾癡殘 絳宮既平

照映億千 虛明无礙 徹地通天

玉帝聳觀 群仙列言 度爾證仙公

萬氣常調完 病從緣業生 魂遊役鬼官
徒令爾親徒 悲苦垂辛酸 不知道无形
輪轉生死間 見道守虛无 飛神玉京山
爾時上智慧 邪試當无干

第二普濟真人勸誡鬼癘之章

字九

十二

夔龍蒼甲 十大綱鬚 日食萬鬼
邪癘无餘 瘟毒喪睛 幽爽急驅
召集都天 神吏斬誅 按籍考追
九獄崎嶇 爾何老氣 假形妄謀
入人血脉 塞彼神廬 使氣不行

尸鬼爲徒 夢想所通 意感陰靈
變其形服 千亂黃房 爾不自悟
坐與物矜 名書北鄴 報對无停
何不栖山林 思真道自成 吾行紫煙中
救苦居黃庭

第三長生大聖振拔跛痾歌曰

千尋碧山 萬旗飛火 虎丘控弦
河侯鼓拖 大神騁雲 星流雷過
俯視阿人 起而復墮 邪注骨萎
筋癰家禍 敗風廢手足 賊鬼成曳婢

靈寶无量度人上品妙經

不知宿業因 真心泪流塵 貪嗔信癡緣

殺命祭鬼神 死入玄沙牢 億載豈得伸

爾當悟道奧 妙玄生爾神 自然无死生

永為上清人 道逆學无為 至陽續窮薪

此三界之上飛空之中真王歌音音參洞章

字九

十三

誦之百徧疾病永消誦之千徧緣習亦除萬

徧道成普度一切飛昇太空超出三界位登

仙公有聞靈音萬魔束形勅制地祇侍衛送

迎拔出地戶五苦八難七祖昇遷永離鬼官

魂度朱陵受鍊更生是謂无量普度无窮有

秘上天文諸天共所崇泄慢墮地獄禍及七

祖翁

道言此二章並是諸天上帝及至靈仙真除
病癘起跛痾明本真元先天不動无有變遷
疾病之報皆由業緣展轉結習氣從而化故
有呻吟痛楚如是等類鍊神洞虛億劫長久
不入流轉體證真人无有生死隱秘之音皆
是大梵之言非世上常辭言无韻麗曲无華
宛故謂玄奧難可尋詳上天所寶秘於神霄
真玉上宮依元劫三萬八千年應運下傳若

有至人齋金寶質心依舊格告盟三天然後而付焉

道言夫天地病癘則爲震擗陷拆水旱風雹運度否終日月五星病癘則爲陵犯薄蝕虧盈至聖神人雖捨病緣无世跛患亦有休否

隱顯隨運興衰末學之夫亦有疾傷凡有此災同氣皆當齊心修齋六時行香十徧轉經福德立降消諸不祥无量之文普度无窮

道言夫末學道淺或仙品未充病癘所縈跛履痲瘵使真念退悔謂道無靈同學至人爲

其行香誦經十過以度病癘如法則神氣流
行上下升降真性開悟疾恙消解隨其學功
計日而得生理壽齡延永便得神仙

道言夫天地運終星宿錯度日月失昏四時
失度陰陽不調國境有災疾癘四起疫毒流

字九

十四

行兆民死傷師友誤履淹衝致身疾痛皆當
修齋行香誦經夫齋戒誦經功德甚重上消
天災保安邦國下禳毒害以度兆民生死受
賴其福難勝故曰無量普度天人

道言凡有是經能為天地一切兆民行是功

德有災之日發心修齋燒香誦經十過疾病
跛痾並皆消滅諸天記名萬神侍衛右別至
人尅得爲聖君金闕之臣諸天記人功過毫
分無失天中魔王亦保舉爾身得道者乃當
洞明至言也

諸天中大梵隱語無量音 道君撰
元始消除病癘跛痾靈書中篇

東方八天

聖應魁闡 曠嘉慶緣 昊赴微露
肅格中乾 教益彖遷 亦太真邈

逸珉匪類 奏通寶卓 意靈氣玄
道忱免宣 揚裔備法 濟生度孱
輔天蠶靈 廓濡企延 鑒賚洞寂
壽蘄訥漠

南方八天

神飈散霞 字九 梵極伴幽 十五 無汚道夷

流淵離疇 猛牲投端 轉拳菟泉

冀瀛策思 馘靜魔玄 九露叱落

奚祠精消 舍熙傳青 比生麗班

鳩牙公都 樞機總南 錠丹皎酢

溼婁毛鷄

西方八天

牝關玉停

勾旗慾蒸

黃婁纏奎

鬼井搖箕

鬱壘滌澤

首莫那羅

合神仙度

無阿流刀

桓尤僂怛

嶽豈俄由

罔徹太匠

烏聶爭蚪

車盈荼宛

泝迨岐釋

開韓斗師

救局魂堂

北方八天

魚曲玄梭

女瑣蛟斗

栢麻初幾

正朕室酉 幕河鄙虛 紇陋根湊

坤纓腓籍 呼轉丹候 月神華玦

條飛察周 燕泊芒肫 狸延儻畫

覺晦並彌 混權空咄 古泰定長

阿為上仙

道言此諸天中大梵隱語無量之音舊文以
琅華朱光之毫書太極玄定天中紫館吐靡
之上以氣下臨纏宿星尾之分救諸病癘跋
疴報償惡業解除縈纏詛訟寃負之氣使知
德自施疾癘消滅鳳迹龍紀之書字皆廣長

一丈東華上相青童道君昔書其文以爲正
音有知其音能齋而誦之者諸天皆遣飛霄
騎吏下觀其身書其功勤上奏諸天萬神朝
禮地祇侍門大勳天樞保舉上仙道備刻得
遊行三界升入金門

十九

十六

此音無所不辟無所不禳無所不度無所不
成天真自然之音也故誦之致飛霄下觀上
帝遙唱萬神朝禮三界侍軒羣袂束首鬼精
自亡琳琅振響十方肅清河海靜默山嶽吞
煙萬靈振伏招集羣仙天無氛穢地無杖塵

冥慧洞清大量玄玄也

元始无量度人上品妙經卷之四十九